

ხოზის მუნიციპალიტეტის მესამე მოწვევის საკრებულოს ბიუროს სხდომისა

ქ. ხობი

2016 წლის 30 ივნისი

ბიუროს წევრთა კანონით დადგენილი რაოდენობა - 13

ბიუროს უფლებამოსილ წევრთა რაოდენობა - 11

ბიუროს სხდომას ესწრებოდნენ ბიუროს წევრები:

1. ედიშერ ჯობავა
2. მამუკა ქარდავა
3. გოჩა სიჭინავა
4. ლაშა ცატავა
5. დოდო გაბუნია
6. ტარიელ ალექსანდრია
7. ლევან ქავთარაძე
8. ვასილ კუკავა
9. მალხაზ ლაგვილავა
10. თენგიზ აბაკელია
11. როსტევან გვარამია

ბიუროს სხდომას თავმჯდომარეობდა ედიშერ ჯობავა – საკრებულოს თავმჯდომარე

დღის წესრიგი:

1. ხობის მუნიციპალიტეტის გამგებლის მოვალეობის შემსრულებლის ვ. გაბედავას 28.06.2016 წლის №03/1516 წერილის განხილვა („ხოზის მუნიციპალიტეტის გამგეობის დებულების დამტკიცების შესახებ“ ხობის მუნიციპალიტეტის საკრებულოს 2014 წლის 28 ივლისის №15 დადგენილებაში ცვლილების შეტანის თაობაზე“ დადგენილების პროექტის შესახებ).

(მომხსენებელი: ლ. ცატავა - საკრებულოს იურიდიულ საკითხთა და ადამიანის უფლებათა დაცვის კომისიის თავმჯდომარე);

2. ხობის მუნიციპალიტეტის გამგებლის მოვალეობის შემსრულებლის ვ. გაბედავას 29.06.2016 წლის №05/1528 წერილის განხილვა („ხოზის მუნიციპალიტეტის გამგებლისთვის ხობის მუნიციპალიტეტის საკუთრებაში არსებული ქონების სარგებლობის უფლებით გადაცემაზე თანხმობის მიცემის შესახებ“ და „ხოზის მუნიციპალიტეტის საკუთრებაში

არსებული ქონების საპრივატიზაციო ნუსხის დამტკიცების შესახებ“ განკარგულების პროექტების თაობაზე).

(მომხსენებელი: გ. სიჭინავა - ეკონომიკური განვითარების საკითხთა კომისიის თავმჯდომარე)

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე - 11, წინააღმდეგი – არც ერთი

დაადგინეს: დღის წესრიგი დამტკიცდეს წარმოდგენილი სახით

დღის წესრიგით გათვალისწინებულ საკითხთა განხილვა

1. ხობის მუნიციპალიტეტის გამგებლის მოვალეობის შემსრულებლის ვ. გაბედავას 28.06.2016 წლის №03/1516 წერილის განხილვა („ხობის მუნიციპალიტეტის გამგეობის დებულების დამტკიცების შესახებ“ ხობის მუნიციპალიტეტის საკრებულოს 2014 წლის 28 ივლისის №15 დადგენილებაში ცვლილების შეტანის თაობაზე“ დადგენილების პროექტის შესახებ).

(მომხსენებელი: ლ. ცატავა - საკრებულოს იურიდიულ საკითხთა და ადამიანის უფლებათა დაცვის კომისიის თავმჯდომარე);

მოისმინეს: ლ. ცატავა - მომხსენებელმა ბიუროს წევრებს გააცნო დადგენილების პროექტი „ხობის მუნიციპალიტეტის გამგეობის დებულების დამტკიცების შესახებ“ ხობის მუნიციპალიტეტის საკრებულოს 2014 წლის 28 ივლისის №15 დადგენილებაში ცვლილების შეტანის თაობაზე“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ „სამოქალაქო აქტების შესახებ“ საქართველოს კანონში განხორციელებული ცვლილების ცვლილების შესაბამისად მუნიციპალიტეტის გამგებლებს დაევალებათ ადგილობრივი თვითმმართველობის დელეგირებული უფლებამოსილებების განსახორციელებლად უფლებამოსილი პირების განსაზღვრა და გამგეობის მოხელეებისთვის გარკვეული ვალდებულებების დაკისრება, კერძოდ: ცვლილებები შეეხება დაბადების (თუ ბავშვი დაიბადა სამედიცინო დაწესებულების გარეთ დაბადების შესახებ სამედიცინო ცნობის გაცემის უფლებამოსილების მქონე პირის დახმარების გარეშე) რეგისტრაციის თაობაზე სამოქალაქო აქტების რეგისტრაციის ორგანოსთვის მიმართვას, პირის გარდაცვალების ფაქტის დადასტურების შესახებ ოქმის შედგენას და პირის გარდაცვალების რეგისტრაციის თაობაზე სამოქალაქო აქტების რეგისტრაციის ორგანოსთვის მიმართვის ვალდებულებას. ზემოთ აღნიშნული ვალდებულებების შესრულების მიზნით, „ხობის

მუნიციპალიტეტის ადმინისტრაციულ ერთეულებში გამგებლის წარმომადგენლებისთვის უფლებამოსილების მინიჭების შესახებ“ ხოზის მუნიციპალიტეტის გამგებლის 2016 წლის 28 ივნისის №01-347-07 ბრძანებით, კანონით გათვალისწინებული ვალდებულებები დაეკისრა ხოზის მუნიციპალიტეტის ადმინისტრაციულ ერთეულებში გამგებლის წარმომადგენლებს, რის საფუძველზეც, ადმინისტრაციული სამსახურის მიერ მომზადდა ხოზის მუნიციპალიტეტის საკრებულოს დადგენილების პროექტი „ხოზის მუნიციპალიტეტის გამგეობის დებულების დამტკიცების შესახებ“ ხოზის მუნიციპალიტეტის საკრებულოს 2014 წლის 28 ივლისის №15 დადგენილებაში ცვლილების შეტანის თაობაზე“, რომლითაც გამგებლის წარმომადგენლის უფლებამოსილებებში ხორციელდება შესაბამისი ცვლილებები. დადგენილების პროექტით ასევე გათვალისწინებულია საქართველოს ორგანულ კანონში „ადგილობრივი თვითმმართველობის კოდექსი“ უკანასკნელ თვეებში განხორციელებული ცვლილებების, კერძოდ: გამგებელს ეძლევა უფლებამოსილება მოახდინოს თანამდებობის პირებისთვის ან სხვა მოხელეებისთვის უფლებამოსილების დელეგირება კანონით/უფლებამოსილების დელეგირების შესახებ ხელშეკრულებით გათვალისწინებულ შემთხვევაშიც. ასევე, გამგებლის უფლებამოსილებად განისაზღვრა საქართველოს კანონმდებლობით გათვალისწინებულ შემთხვევაში ან/და დელეგირებული უფლებამოსილების განხორციელების (მათ შორის, შესაბამისი გადაწყვეტილების მიღების) მიზნით კომისიების შექმნა, რომელთა უფლებამოსილება და საქმიანობის წესი რეგულირდება კანონით/უფლებამოსილების დელეგირების შესახებ ხელშეკრულებით ან/და კანონის საფუძველზე გამოცემული კანონქვემდებარე ნორმატიული აქტით. ზემოთაღნიშნული ცვლილებით გამგეობის თანამდებობის პირების ინდივიდუალური ადმინისტრაციულ-სამართლებრივი აქტების ჩამონათვალშიც ხორციელდება ცვლილება და ჩამონათვალს ემატება თანამდებობის პირის (მოხელის) ინდივიდუალური ადმინისტრაციულ-სამართლებრივი აქტი - ბრძანება (თანამდებობის პირებისთვის ან სხვა მოხელეებისთვის უფლებამოსილების დელეგირებისას კანონით/უფლებამოსილების დელეგირების შესახებ ხელშეკრულებით გათვალისწინებულ შემთხვევაში), ხოლო დელეგირებული უფლებამოსილების განხორციელების (მათ შორის, შესაბამისი გადაწყვეტილების მიღების) მიზნით შექმნილი კომისიების შემთხვევაში - ინდივიდუალური ადმინისტრაციულ-სამართლებრივი აქტი - განკარგულება. შესაბამისად, დებულებით ახლად განისაზღვრება ამ ადმინისტრაციულ-სამართლებრივი აქტების (მოხელის ბრძანება, კომისიის განკარგულება), გასაჩივრების პროცედურაც. გამომსვლელის განცხადებით, გამგეობის მიერ პროექტი მომზადებულია კანონის მოთხოვნათა

გათვალისწინებით და კომისიას მიზანშეწონილად მიაჩნია მისი გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ საკითხთან დაკავშირებით გამოეთქვათ მოსაზრებები.

აზრი გამოთქვეს: რ. გვარამია - გამომსვლელმა მიმართა ლ. ქავთარაძეს და დ. გაბუნას, როგორც ექიმებს და დაინტერესდა, სოფელში ახალშობილებზე და მიცვალებულებზე, სამოქალაქო აქტების რეგისტრაციის ორგანოსთვის ინფორმაციის მიწოდების ვალდებულება ჰქონდათ უბნის ექიმებს, ეს ვალდებულება მათ აღარ ექნებოდათ თუა არა მომავალში ამ ცვლილებით?

დ. გაბუნია, ლ. ქავთარაძე - გამომსვლელებმა განმარტეს, რომ პირიქით უბნის ექიმს უჩებოდათ ზემოთ აღნიშნული ვალდებულება, მაგრამ ამ ეტაპზე გამგებლის წარმომადგენლებსაც ენიჭებათ ეს ვალდებულება 2014 წლიდან უზრუნველყონ აღრიცხვიანობა შობადობაზე და გარდაცვლილებზე და მიეწოდებინათ ინფორმაცია სამოქალაქო აქტების რეგისტრაციის ორგანოსთვის.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 11, წინააღმდეგი – არც ერთი

დაადგინეს: წარმოდგენილი პროექტი შეტანილ იქნეს საკრებულოს სხდომის დღის წესრიგში

2. ხობის მუნიციპალიტეტის გამგებლის მოვალეობის შემსრულებლის ვ. გაბედავას 29.06.2016 წლის №05/1528 წერილის განხილვა („ხობის მუნიციპალიტეტის გამგებლისთვის ხობის მუნიციპალიტეტის საკუთრებაში არსებული ქონების სარგებლობის უფლებით გადაცემაზე თანხმობის მიცემის შესახებ“ და „ხობის მუნიციპალიტეტის საკუთრებაში არსებული ქონების საპრივატიზაციო ნუსხის დამტკიცების შესახებ“ განკარგულების პროექტების თაობაზე).

(მომხსენებელი: გ. სიჭინავა - ეკონომიკური განვითარების საკითხთა კომისიის თავმჯდომარე)

მოისმინეს: გ. სიჭინავა - მომხსენებელმა ბიუროს წევრებს გააცნო განკარგულების პროექტები „ხობის მუნიციპალიტეტის გამგებლისთვის ხობის მუნიციპალიტეტის საკუთრებაში არსებული ქონების სარგებლობის უფლებით გადაცემაზე თანხმობის მიცემის შესახებ“ და „ხობის მუნიციპალიტეტის საკუთრებაში არსებული ქონების საპრივატიზაციო ნუსხის დამტკიცების შესახებ“ და კომისიის დასკვნები (ოქმს თან ერთვის) შემდეგი

თანმიმდევრობით: 1) გამგეობის მიერ წარმოდგენილი განკარგულების პროექტის საფუძველზე ხორციელდება ხობის მუნიციპალიტეტის ბალანსზე რიცხული, ჭალადიდის ადმინისტრაციულ ერთეულში საყოფაცხოვრებო შენობის მე-2 სართულზე მდებარე 12 კვ.მეტრი ფართის აუქციონის წესით გაიჯარება; 2) ქალაქ ხობში საფეხბურთო მოედნის რეკონსტრუქციისას ტრიბუნის გარკვეული ნაწილის დემონტაჟიდან მიღებულ იქნა დაახლოებით 130 ტონა მეორადი შავი ლითონის ჯართი, რომლის გარკვეული ნაწილის გამოყენება შესაძლებელია მეორად სამშენებლო მასალად, აუდიტის დასკვნის საფუძველზე 1 (ერთი) კვ.ჯართის საბაზრო ღირებულებამ შეადგინა 14 (თოთხმეტი) თეთრი. ამასთან ეკონომიკური განვითარებისა და ქონების მართვის სამსახურს მიზანშეწონილად მიაჩნია აუქციონის წესით პრივატიზებულ იქნას ორი ერთეული სატვირთო ავტომანქანა „ზილ 131“ და SAZ-35-07, რომლებიც ამორტიზირებული და გამოუსადეგარია. აღნიშნული ავტომანქანები მუნიციპალიტეტს გადმოეცა ხობის მუნიციპალიტეტის პროფესიული სწავლების ცენტრის ლიკვიდაციის შედეგად. გამომსვლელის განცხადებით, პროექტები მომზადებულია კანონის მოთხოვნათა გათვალისწინებით და კომისიას მიზანშეწონილად მიაჩნია საკრებულოს სხდომაზე მათი გატანა შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტებთან დაკავშირებით გამოეთქვათ მოსაზრებები.

აზრი გამოთქვეს: მ. ლაგვილავა, თ. აბაკელია - გამომსვლელები დაინტერესდნენ, თუ რა ფორმით განხორციელდებოდა მეორადი ლითონის გაყიდვა?

მ. ქარდავა, გ. სიჭინავა - გამომსვლელებმა აღნიშნეს, რომ ზემოთ აღნიშნულ კითხვაზე პასუხი უმჯობესი იქნებოდა, საკრებულოს სხდომაზე დაესვათ გამგეობის შესაბამისი სამსახურისთვის და მიეღოთ ამომწურავი პასუხი

კენჭი ეყარა წინადადებას წარმოდგენილი პროექტების საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 11, წინააღმდეგი – არც ერთი

დაადგინეს: წარმოდგენილი პროექტები შეტანილ იქნეს საკრებულოს სხდომის დღის წესრიგში

დღის წესრიგით გათვალისწინებული საკითხების განხილვის შემდეგ სხდომა დახურულად გამოცხადდა.

